

مرند اۆيكو

Mərənd öykü



باجينين آدينى قويدوم اوزومه

يازار: ربابه قلى زاده

Web adress:www.marand-oyku.arzublog.com

Face book:www.facebook.com/marandoyku

Email:rezaaydin491@yahoo.com

باجينين آدينى قويدوم اوزومه

ربابه قلى زاده

قورخا قورخا يان يوراما باخديم كيمسه كوچهده يوخ ايدى، آرخابين اولدوقدا كوچهيه گيرديم، تابلو مطببين سول دؤنوش ده اولدوغونو گؤستيريدي. بويانا دؤندوكده كوچه قاپالانيردى. اوره ييم آز قاليردى يئرلنده ن قوپا. قاپى ياريم آچيق ايدى. زنگى چالمادان حهيطه گيرديم. ايچهرى ده آغ داشلى ايكى قات بير بينا وار ايدى، كيمسه حهيطه يوخ ايدى. سس سيزليبيندن قورخدوم حهيطه ساغ يۇنونه يام-ياشيل بير باغچا گؤرونوردو، قوخوسو حهيطى ساريميشدى. بير آز ايرهلى گئتديم، بير آن بينانين آشاعى قاتيندا اولان بير قاراژين قاپى سينين اوستونه ياپيشديريلميش بير يازيا گؤزوم ساتاشدى:

-ايچهرى گيرمه دن زنگى چالين لوظفن

قايديب حهيطدن ائشيه چيخديم. زنگلرين هر ايكى سيني چالديم كيمسه سس وئرمه دى. يئنه چالديم. اوز اوزومه دئديم «اولمايا برق كسيلميش اونا گورا جواب وئرميرلر» يئنى دن حهيطه گيرديم باساماق لارى قالخيب دهليزين قايسى سيني چالديم. بير آز سونرا پنجره لرلر بيريندن بير اورتا ياشلى قادين باشيني ائشيه چيخاريب دئدى:

-بويورون نه ايشينيز وار؟

دئديم:

-دوكتور واردى؟ ويزيت ايسته بيرم

بونو دئييب دهليزين او باشينا، اورتا ياشلى قادين آچان پنجره يه سارى گئتديم.

-بير آز دا يانين،

اورتا ياشلى قادين بونو دئييب پنجره نى ياريم آچيق قويوب ايچهرى قايتدى. گئتديكجه قورخوم چوخاليردى آغزيمين سويو قوروموشدو، ائله سانيرديم كيمسه اوره ييمي سيخير، اوره ييم يئرلنده دئييل دى. دوكتورله نئجه دانيشاجاغيمى بيلميرديم. كئشگه منى ياخشى دوشونه " لعنت اولسون سنه!"

-خانيم خسته خانايا گنتميش، ايكيندى گله جك.

اورتاياشلى قادىن بونو دئىيب پنجره نى باغلادى. باساماقلارى ائندىم حەيپىن قاپىسىنى يارىم
آچىق قويوب كوچەدن خىياوانا سارى يورودوم.

قىشىن سازاق چالان گونلىرىن بىرى ايدى. ايكىندى؛ ساھات دۇرد دە؛ سنلە
گۇروشەچكىدىم. دئەمەلى بو سنلە ايلك گۇروشوم اولوردو. او زاماناچاق يالنىز تئلفوندا سسىنى
ائىشىتمىشىدىم. سنى گۇرمەپە تلەسىردىم. من قىرمىزى اۇرتويومو اۇرتوموشدوم. دوداقلارېما دا
قىرمىزى ماتىك وورموشدوم. يئددى گۇز كۇرپونون اۇنوندە دايانىب، سنى گۇزلەپىردىم. اوزاق دان
سنى گۇردوم گلېردىن، اوزون بىر قارا پالتو گىمىشىدىن، اوجا بوى و آرىق ايدىن. سنى گۇرچەپىن
من چاشدىم. ائلە ساندىم ياناقلارېم اود توتوب يانىر. بونو سن بىلىب گولدون. "جانىم گل اوتور
ماسا اوستوندە" دئىيب الېمدن ياپىشىب منى اۇزونه سارى چكىدىن. "نە قدر اللرىن سويوق دور؟"
دئدىن. سونرا سويوقدان بوزارمىش اللرىمى اووجلارېنا آلدىن. اللرىن اېستى ايدى و منە نە قدر بو
اېستى خوش گلدى. ائلە ساندىم اووجلارېن دونيانىن ان سىچاق يوواسى دىر.

ساققاخانا كوچەسىنىن باشىندايدىم. ساققاخانانىن اۇنوندە نئچە آرواد شام ياندىرىدىلار. شام
ساتان قوجا كىشى راديووا قولاق آسىردى، اۇنوندن كئچىب كوچەپە گىردىم. دولان با دولان
كوچەلردن بىر-بىر سوووشوب آلا قاپى با چاتدىم. ساغ يۇندە بىرىنچى تابلو دوكتورلرىن بورادا
اوتراق ائلەمەپىنى گۇستىرىدى. "ھە ائلە اوردولار بورادان باشلاپىر" دئدىم.
سۇزومدن گولمەپىم گلدى آنچاق گولە بىلمە دىم بىر آز دوداقلارېم قاچدى .
اۇز اۇزومە دئدىم "داوينچى ھاردا مندن بىر رسىم چكە. آند اىچىرم منىم رسىمىم ژكوند
گولومسنىمەپىن دن داھى باھالى اولار." ايلك گۇردويومو مطب بىر اسكى بىنا ايدى. اۇرتويومو
قاباغا چكىدىم. درىن دن بىر نفس چكىدىم، اۇزومو چوخ توختاق گۇسترمەلى ايدىم. تاختا قاپىنى
دۇيوب اىچرى كئچدىم. اىچرى دە ماسانىن دالىندا بىر گنج قىز اوتورموشدو. اوندان باشقا كىمسە
مطبەدە يوخ ايدى. قىزى سالاملادىم.

-بويورون نە ايشىز وار؟

گنج قىز سوردو.

دئدىم:

-دوكتور واردى؟

گنج قىز دئدى:

يارىم ساھاتا گلر بىر آز بوندان اۇنچە زنگ آچمىشىدى دئدى يولدادىر.

-يارىم ساھاتا؟

-اوندا بير آز بو آرالاردا دولانيم سونرا گلهرم، اوتورسام داريخارام.
-اؤزون بيلرسن، آنجاق دوكتور كسين گلهجك، ايسته سن ويزيت وئريم ؟
قيز بونلاري دئييب ماسانين دالينداكى كئشونو آچيب دفتريني چيخارتدى.

-ويزيتي نئچه ائليير؟

-سيغورتا وارين؟

-يوخ!

-بئش مين تومن

چانتامدان بئش دنه مينليكي چيخارديب قاباغينا قويدوم. سوروشدو:

-آديز نه دى؟

اؤز آديمي دئمك ايسته ميرديم. منيم بورايا گلمه ييمي ايسته ميرديم كيمسه دويا. تئز بير تاخما آد
تايمالى لي ايديم سنين كيچيك باجينين آديني خاطرلاديم.

دئديم:

-سولماز عزيزي يم، خانيم.

باجينين آديني اؤزومه قويدوم هر يئره گنتسم بو آدلا ويزيت آلاجاغام، سن منيم آبريمي توكدون،
من ده باجينين آديني پيس ائله يه جه يم. آياخچى دان ساغوللاشيب مطبدن ائشيه چيخديم، كوچه
ده هئيله گل-گنت يوخ ايدى. اوره يم داغداغايا دوشموشدو. ائله دوپوردوم بوغازيمدا بير تيكه
قالميش. سندن آيريلاركن بو قورخو منى ساريدى. ايلك سايماديم آخى بئله بير ايشين باش
وئرمه يي عاغىلا سيغماييردى، اوندا اؤز-اؤزومه دئديم نئچه گون دؤزوم هله گؤروم نه اولور، اول
بيلسين دوروموم دئييشيله، اوچ دؤرد گون ده دؤزدوم، سونرا گؤردوم يئنه دوروموم دئييشيلمه دى،
آرتيق ياواش-ياواش نيگران اولدوم، اوتوروب حئسابلاديم كئچن دؤنه نه زامان اولموشدوم؟ آهان
دوز اوتوزآلتى گون بوندان اؤنجه هر ايكي سينين آراسى دا ايگيرمى بير گون اولور نهايت، بير ايكي
گون اويان بو يان اولور، آنجاق ايندى اون بئش گوندور دالى توشوب بئليم زاديمدا آغريمير، هر دؤنه
آي باشيما نئچه گون قالاندا سانجى قارنيمي، بئليمى دوغرايار. ايلك گونلر آغريدان گونده ليك
ايشلر يمه ده يئتيشه بيلمرم.

كوچه نين دبينه چاتميشديم ساھاتا باخديم ياريم ساھات اولاردى ائشيكده ايديم. آرتيق

قايتيمالى ايديم گلدييم يولدان مطبه سارى قايتتيم.

ايچرى دن هاى-كوى سسى گليردى، بير قيزين دا آعلاماق سسى بو هاى-كويه قارشميشدى.
آياخچى ماسانين داليندا دئييلدى، نئچه چرشابلى قادين ايچرى ده اوتورموشدولار. دوكتورون
اوتاغينين قاپيسى ياريم آچيق ايدى. ايره لي گنديب ايچرى باخديم ايكي اورتا ياشلى قادينى
گؤردوم. آنجاق اونلار آغلاميرديلار دوكتورون سسينى ائشيتتيم، حيرصه دانيشيردى:

-اولماز، بو ايش ياساق دى، منه آغير باشا گلر. بو ايشى گورسم اوزومو گودازا وئررم. تكجه يولو بودور اوغلاندا شىكايت ائلييه سيز.

قادينلارين بيرى سى دئدى:

اوغلانى تاپا بيلميريك، كند دن قويوب گئتميش.

باشقاسى دوكتوره يالواريردى:

-خانيم دوكتور باشينا دولانيم قويما ابريميز توكوله، ائل اويا اوزوموزه توپورر. آتاسى دئييب بو قيزى

بو تهر ائوده گورسم، باشيني كسه جه يم. الله بالانى ساخلاسين خانيم. بيزيم ايشيميزى بير تهر

ائله الله ايشيني راس گتيرسين.

دوكتور سسنى اوجالتدى:

-اولماز. اوشاق ايندى آلتى آيلىق دير، من بير ايش گوره بيلمهرم گئدين بو شهر ده آختارين من

يوخ هئچ دوكتورده سيزه بير ايش گوره بيلمز. اوشاق بير ايكى آيلىق اولسايدى اوندا بير تهر

ائلييه رديم آنجاق ايندى اوشاق چوخ يئكه دير".

آغلاماق سسى اوجالدى.

"بو غلطى ائليينده آغلايردين" اياخچى دئدى.

يانيمدا اوتوران گنج قادين دا دئدى "اوندا فنئديلى چاليردى!

قيزين سسى بئنييمده گومبولدايردى. گئتديكجه اوره بيم بولانيردى، آز قاليردى قوسام، بير آن

اوره كدن آرزى ائله ديم قارنيمين ايچينده اولان هر نه وار آغزيمدان ائشيگه توكوله، اوندا هر نه

چوخ هاساد قورتاراردى. اليمى آغزىما توتوب نئچه دؤنه اؤگه ديم. قارشيمدا اوتوران قوجا قادين

سوردو:

ايلكين دى؟

قوجا قادينى هاى وئرمه دن باشيمى دووارة سؤيكه ييب، كؤكسومو اوتوردوم. يانيمدا اوتوران قادين

اليمى چينيمه قوباركن دئدى:

-داريخما، هامى ايلك گونلر بئله اولور. آنا اولماق هاساد دئييل.

آنا سؤزونو ائشيتديكجه بير تهر اولدوم. يانى من ايندى آنا اولموشدوم؟ لذت دويدوغوم چاغ بير

آن سهو ائتمه ييمدن يارانميش بير اوشاغين آناسى منه دئمك اولارمى؟ بير آن قارنيمدا اولان او

اوشاقدان ائله ايرگنديم، بؤيله كى ايسته ديم اليمى بدنيمين او دئشيگينه سوخوب، قارنيمين

ايچيندهن اونو چيخاريب ائشيه آتام، بئله اوزومو و او يازيق اوشاغى قارا طالع دن قورتارام.

قادينلارين بيرى گنج قيزين ايندن ياپيشيب ائشيه چيخدى، بيرى هله ده دوكتوره يالواريردى. قيز

اون دؤرد، اون بئش ياشيندا گورونوردو. نندسه او قيزى دونيادا اوزومه ان ياخين اولان كيمسه

دويدوم. اونا و اوزومه يازيقلغييم گليردى، گله جه يينى چوخ هاساد جيزماق اولاردى.

سنه دوشوندوم ايندى هاردايدين؟ سنى آنديقجا داهى چوخ اوره ييم بولانيردى. بيزيم آراميزدا هر نه قورتارميشدى، ائله بو ساده لييه. دئدين بوردان گئدجكسن اوزاق بير يئره. نم نيشان دا قويمايا جاقسان.

كاغيزى گؤسترديم، اليمدن آليب جيريپ دئدين: «منى قورخودورسان؟ بو كاغيزى روشوت ن يازديرميشسان؟»

قيشقيرديم «سن منه سؤز وئرميشدين. دئميشدين بير آيا منله ائولنه جكسن. سنى بوشلامايا جغام. آبريم گئتسه ده، ايندن شيكايت ائله يه جه يم»، «سن هئج پوخ ييه بيلمزسن، سندن بؤيوكلى منه بير ايش گوره بيلميرلر» من آغلاييب يالوارديم. سن ايسه منه يامان يوز دئدين.

ايكيجى قادين دا ائشيه چيخدى. يايليغينين اوجويلا گؤز لر ينين ياشيني سيلركن، باشقاسينا دئدى:

-نه قدر يالوارديم بويون آلمادى، قورخور، دئير اولاي بيلسين كندلرده اولان قابيله لر بيزه بير ايش گوره بيله لر. مطبه اوتوران قادينلارين بيرى گنج قيزا سارى دئدى:

-دردين بير اينه يه باغلى دير، اونو تاپسان ايشين دوزه لر.

ايكى قادين گنج قيزلا مطبدن گتديلر. دوكتورله گوروشوب دانيشماغيم فايداسيز ايدى. بو قيزا بير ايش گوره بيلمه دى منه ده گوره بيلمز. آرتيق بورادا اوتورماغا دا حوصله يوخ ايدى، ويزيت اولونمادان دوروب گتديم مطبدن ائشيه. دوكتورون قادينلارين بيرى سینه دئديى سؤزو بئنييمده فيرلانيردى:

كندلرده كى قابيله لر اولاي بيلسين بير ايش گوره بيله لر...